

Alòdlèndonu Nuplònwe Opli Gbèzan po Lizonyizon po Tòn

5-11 OCTOBRE

NUHÒAKUẸ LẸ SỌN OHÓ JIWHEYẸWHE TỌN MẸ | EKSÒDUSI 31-32

“Hònna Boşio-Sinsèn”

w09 15/5 11 huk. 11

Dovivenu Nado Lẹzun Mèhe Whèwhìn Na ‘Azán Daho Jehovah Tòn Ko Sẹpọ’

¹¹ E sọgan nọma boawu nado yí nuhe mí plòn sọn Owe-wiwe mẹ lẹ do yizan mẹ, tite-ngbe to ninọmẹ sinsinyen lẹ glọ. Di apajẹ, ojẹ vude to whenue Jehovah tún Israelivi lẹ sọn kanlinmọgbenu Egipti tọn godo, yé ‘tlọnu do Mose’ bo “to OKLUNỌ whlepon.” Etẹwutu? Na e wá jọ bọ yé ma mọ osin nù wutu. (Eks. 17:1-4) To nuhe ma pé osun awe he yé biọ alẹnu de mẹ hẹ Jiwheyẹwhe bo yigbe nado ‘wà nuhe Jehovah ko dọ lẹpo’ godo, yé gbọn boşio-sinsèn dali gbà osẹn etọn. (Eks. 24:3, 12-18; 32:1, 2, 7-9) Be na Mose dẹn to whenue e yì Osó Holẹbi tọn jì nado yì yí anademẹ lẹ wẹ zọn bọ yé dibu ya? Be vlavo yé lẹndọ Amalekinu lẹ na vọ awhàn-tọn yé bọ Israelivi lẹ ma na mọ mẹhe na goalona yé, na Mose he nọ zealọ daga bọ yé do nọ gbawhàn, ma tin to finẹ wutu wẹ ya? (Eks. 17:8-16) E sọgan yinmọ, şigba mahoponna lehe whẹho lọ yin, Israelivi lẹ ‘gbẹ nado setonu.’ (Owalọ 7:39-41) Paulu dotuhomẹna Klistiani lẹ nado wà nuhe go yé pé lẹpo ma nado “jai kẹdẹdi ohia mayise [kavi tonumase] tọn dopolo” he mẹ Israelivi lẹ jai jẹ to whenue yé dibu nado biọ Aigba Pagbe tọn lọ mẹ.—Heb. 4:3, 11.

w12 15/10 25 huk. 12

Setonuna Jiwheyẹwhe bo Duale Opagbe Etọn lẹ Tọn

¹² Tlolo he Jehovah basi alẹnu hẹ Israelivi lẹ godo wẹ e jẹ opà etọn de jì. Ewọ de

yẹwhenọ lẹ nado nọ sẹn to gòhọtúntún sin-sẹn-bibasi tọn vonọtaun de mẹ podọ nado goalona akọta lọ nado tindo haşınşan dagbe de hẹ Jiwheyẹwhe. Şigba, dile etlẹ yindọ Israelivi lẹ ko yin kinklandowiwe na Jiwheyẹwhe, e ma dẹn bọ yé vẹtolina ẹn. Yé ma wà nuhe yé dopà nado wà podọ yé “hẹn awusinyen Mewiwe Israeli tọn lọ.” (Ps. 78:41) Di apajẹ, to whenue Mose jo Israelivi lẹ do bo yì Osó Sinai tọn jì nado yí anademẹ devo lẹ sọn Jiwheyẹwhe dè, agbọ ko pé Israelivi lẹ hoho bọ yé hẹn yise bu to Jiwheyẹwhe mẹ bo lẹndọ Mose ko wọnji yé go. Enẹwutu, yé basi boşio oyinvu sika tọn de bo dọna gbẹtọ lẹ dọmọ: “Ehe wẹ yẹwhe towe, hiẹ Israeli, he hẹn we heji jẹgbonu sọn aigba Egipti tọn lọ jì.” (Eks. 32:1, 4) Enẹgodo, yé basi nuwiwa de he yé ylọdọ ‘hùnwhe de na Jehovah,’ litaina boşio he yé yí alọ yetọn do basi lọ bosọ basi avósinsan na ẹn. To whenue Jehovah mọ enẹ, e dọna Mose dọmọ: “Yé ko lẹ jẹ adà jì plaun sọn aliho he yẹn degbena yé lọ jì.” (Eks. 32:5, 6, 8) To owhe he bodego lẹ mẹ, Israelivi lẹ dopà susu devo lẹ na Jiwheyẹwhe, şigba whlasusu wẹ yé gboawupo nado hẹn opà yetọn lẹ di.—Sọh. 30:2.

w18.07 20 huk. 14

“Mẹnu lẹ Wẹ to Adà Jehovah Tọn Mẹ?”

¹⁴ Omẹ lọ lẹ yọnen dọ boşio-sinsèn yin ylando sinsinyen sọta Jehovah. (Eks. 20:3-5) Şigba, e ma dẹn bọ yé jẹ sinsèn-basina oyinvu sika tọn de jì! Mahoponna nuyiwa tolivivẹ tọn he jẹ gànna-gànna enẹ, to linlẹn de mẹ, Israelivi lẹ klọ yede bo lẹndọ emi gbẹ tin to adà Jehovah tọn mẹ. Nupaşamẹ wẹ e yin dọ Aalọn tlẹ ylọ sinsèn-bibasi oyinvu tọn yetọn dọ ‘hùnwhe de hlan Jehovah’! Nawẹ Jehovah yinuwa gbọn? E mọdọ yé ma yin nugbonọ na emi. Jehovah dọna Mose dọ

mẹlọ lẹ “ko hẹn yede gblezọ,” podọ yé ko “zẹ sọn aliho he [Emi] ko degbe etọn na yé nado gbọn lọ ji.” To “adi sinsinyẹn” etọn mẹ, Jehovah tlẹ lẹn nado và akọta Islaeli tọn he sẹsẹ yin didoai lọ sudo.—Eks. 32:5-10.

Onú Sisosiso Gbigbomẹ Tọn Lẹ

w19.12 3 huk. 4

“Ojẹ Dide de Tin” Nado Wazọn Podọ Nado Gbọjẹ

4 Be apajẹ azọn sinsinyẹn wiwà tọn he Jehovah po Jesu po zedai dohia dọ e ma yin dandan dọ mí ni nọ gbọjẹ wẹ ya? Paali. Agbọ ma nọ pé Jehovah gbede, enẹwutu, ewọ ma do hudo gbọjẹ tọn. Nugbo wẹ dọ Biblu dọ dọ to whenue Jehovah dá olọn po aigba po godo, “e doalọtena azọnwiwa bosọ gbọjẹ.” (Eks. 31:17) Şigba, e họnwun dọ nuhe dọ e te wẹ yindọ Jehovah yiagbọji vude nado mọ awuvivi to nuhe e ko dá lẹ mẹ. Podọ dile etlẹ yindọ Jesu wazọn sinsinyẹn to whenue e to aigba ji, e nọ hẹn diun dọ emi de whenu dovo nado gbọjẹ, podọ nado dùnú dopọ hẹ hontọn emitọn lẹ.—Mat. 14:13; Luku 7:34.

w87-F 1/9 29

Kanbiọ lẹ sọn Wehiatọ lẹ Dè

Eyin Jiwheyewhe tlẹ kẹlọyi mẹde bo nọ flin in (bọ yinkọ etọn to “owe ogbẹ tọn lọ mẹ”), enẹ ma ko dohia dọ mẹlọ na mọ ogbẹ madopodo bọ ohó fó, taidi dọ yè ko kàn enẹ do e ji bọ nude ma gán diọ ẹ wẹ nkọ. To whenue Mose to hodọ gando Islaelivi lẹ go, e dọna Jehovah dọmọ: “Todin, eyin hiẹ jlo, jo ylando yetọn na yé; eyin e ma yinmọ, jaa-le bo súnsún yinkọ şie sẹ sọn owe towe he hiẹ ko kàn mẹ.” Podọ Jiwheyewhe gblọn-na ẹn dọmọ: “Oyín mẹhe waylando do mi lẹ tọn wẹ yẹn na súnsún sẹ sọn owe şie mẹ.” (Eksodusi 32:32, 33) Nugbo lọ wẹ yindọ, eyin Jiwheyewhe tlẹ ko kàn yinkọ mẹde tọn

do “owe” etọn mẹ, mẹlọ gán wá vẹtoli kavi gbẹ Jiwheyewhe dai to nukọn mẹ. Eyin enẹ jọ, Jiwheyewhe na “de oyín [mẹlọ tọn] sẹ sọn owe ogbẹ tọn lọ mẹ.”—Osọhia 3:5.

AWUWIWLENA LIZỌNYIZỌN KUNNUDE-GBE TỌN

w10 15/5 21

To whenuena e yindọ Jehovah jẹagọdo bo-şiq-sinsẹn, naegbọn e ma sayana Aalọn to whenue e basi oyinvu sika tọn?

To whenuena Aalọn basi oyinvu sika tọn dile e yin kinkàndai to Eksodusi weta 32 mẹ do, e gbà osẹn Jiwheyewhe tọn he gando bo-şiq-sinsẹn go. (Eks. 20:3-5) Taidi kọdetọn de, “OKLUNỌ lọ bosọ yin adinọ do Aalọn go nado ko và ẹ: [Mose] sọ hodẹ na Aalọn to ojẹ dopolọ mẹ ga.” (Deut. 9:19, 20) Be oẹvivẹ Mose dawẹ dodonọ lọ tọn tindo “huhlọn taun” to whẹho Aalọn tọn mẹ wẹ ya? (Jak. 5:16) Mọwẹ. Na oẹvivẹ mọnkọtọn po e whẹ gbau whẹwhinwhẹn awe devo lẹ po wutu, e taidi dọ Jehovah na gblọndo odẹ Mose tọn bo ma sayana Aalọn.

E yonbasi dọ whẹwhinwhẹn devo wẹ kandai nugbonọ-yinyin tọn Aalọn tọn. To whenue azọn yin didena Mose nado yì Falo dè podọ nado de Islaelivi lẹ sọn Egipti, Jehovah de Aalọn nado hodo Mose bo yin hoyidọ-tọ etọn. (Eks. 4:10-16) Dawẹ awe ehelẹ yì nugbonọ-yinyin do yì ahọlu Egipti tọn dè whlasusu, bo doakonna tasinsinyẹn Falo tọn. Enẹwutu, dile Aalọn gbẹ pò to Egipti, e wleawuna kandai sinsẹnzon nugbonọ-yinyin tọn hlan Jehovah.—Eks. 4:21.

Sọ lẹnnupondo nujijọ he wá aimẹ whẹpo Aalọn do basi oyinvu sika tọn lọ ji. Mose nọ Osó Sinai ji na azán 40. To “whenuena gbẹtọ lẹ lọ mọdọ Mose dẹn nado jẹtẹ wá sọn osó lọ ji,” yé diqlinlẹnna Aalọn nado basi boşiq de na yé. Aalọn kọngbedopọ bo basi oyinvu kin-

kòn de. (Eks. 32:1-6) Şigba, nuyiwa Aalòn tòn to godo mẹ dohia dọ e ma yí ahun lẹpo do nọgodona boşio-sinsèn mọnkọtòn. E họnwun dọ e joawuna kọgbidinamẹ wẹ. Di apajlẹ, to whenuena Mose ze afọdide godo tòn gando whẹho boşio-sinsèn tòn ehe go, visunnu Levi tòn lẹpo—he mẹ Aalòn tin te—basi nudide nujikudo tòn nado nọ adà Jehovah tòn mẹ. Gbẹto fọtòn donu atòn he yin tontlóngbọn to nuyiwa boşio-sinsèn tòn ehe mẹ lẹ yin hùhù. —Eks. 32:25-29.

To enẹgodo, Mose dọna gbẹto lẹ lẹ dọmọ: “Mì ko waylando ylando daho de.” (Eks. 32:30) Enẹwutu, e ma yin Aalòn kẹdẹ wẹ hùwhẹ to ylanwiwa lẹ mẹ gba. Ewọ po akọta lẹ po wẹ mọaleyì sọn lẹblanu daho Jehovah tòn mẹ.

To nujijọ he gando oyinvu sika tòn lẹ go godo, Jehovah degbè dọ Aalòn ni yin dide taidi yewhenọ daho. Jiwheyewhe dọna Mose dọmọ: “Hiẹ na yí awù wiwe lẹ lẹ do Aalòn jì; hiẹ bo na sá amisisa na ẹn, bo hẹn ẹn zun wiwe, na e nido wadevizọn hlan mi to azọnhọ yewhenọ tòn lẹ mẹ.” (Eks. 40:12, 13) Ayihaawe matin dọ, Jehovah jona awugbo-po Aalòn tòn. To ahun Aalòn tòn mẹ, e yin avùnloyitọ nugbonọ na sinsèn-bibasi nugbo, e ma yin atẹşitọ boşio-sẹntọ de gba.

12-18 OCTOBRE

NUHỌAKUE LẸ SỌN OHÓ JIWHEYEWHE TỌN MẸ | EKSỌDUSI 33-34

“Jẹhẹnu Dagbedagbe Jehovah Tọn Lẹ”

it-2-F 412 huk. 4

Oyín

Nudida lẹ yin kunnudenu dọ Jiwheyewhe tin nugbo, amọ yé ma nọ goalọna mí nado yón oyín etọn. (Slm 19:1; Lo 1:20) Oyín Jiwheyewhe tọn yinyọnen nugbonugbo bẹ nususu hẹn hugan oyín etọn yinyọnen poun. (2Ot

6:33) E zẹmẹdo nado yón nuhe Ohó etọn dọ gando omẹ nankọ he ewọ yin go, enẹ wẹ lẹndai etọn lẹ, nuyiwa etọn lẹ po jẹhẹnu etọn lẹ po. (Yijlẹdo 1Ah 8:41-43; 9:3, 7; Nẹ 9:10 go.) Nuhe jọ to whẹho Mose tòn mẹ niyẹn, yèdọ dawẹ de Jehovah ‘yón oyín etọn,’ enẹ wẹ yindọ e jẹakọ hẹ ẹ taun. (Eks 33:12) Mose tindo lẹblanulọkeyi lẹ nado mọ bọ gigo Jehovah tòn yin didohia bosọ sẹ bọ ‘oyín Jehovah tòn yin lilá.’ (Eks 34:5) Enẹ ma zẹmẹdo dọ oyín Jehovah tòn yin vivọdọ poun gba, kakatimọ, ehe to nùzindo jẹhẹnu po nuyiwa Jiwheyewhe tòn lẹ po jì. “Jehovah, Jehovah, Jiwheyewhe lẹblanunọ podọ awuvẹmẹto, mẹhe nọ whleawu nado gblehomẹ bosọ gọ na owanyi nugbo po nugbo po, mẹhe nọ do owanyi nugbo hia omẹ fọtòn susu lẹ bo nọ jo nuşiwa, sẹnhengba po ylando po namẹ, şigba ewọ ma na nọma sayana whẹhutọ, bo na hẹn yasanamẹ nuşiwa otọ lẹ tòn wá ovi lẹ po ovivi lẹ po jì, yèdọ wá whẹndo atõtọ jì podọ wá whẹndo ẹnẹtọ jì.” (Eks 34:6, 7) Humọ, nuhe Mose dọ to ohàn he e jì mẹ dọ, “yẹn na lá oyín Jehovah tòn” do jẹhẹnu Jiwheyewhe tòn lẹ po aliho he mẹ e yinuwa hẹ Israelivi lẹ te po hia.—De 32:3-44.

w09 1/7 10 huk. 3-5

Jehovah Do Ede Hia

Onú tintan he Jehovah dehia gando ede go wẹ yindọ ewọ yin ‘Jiwheyewhe lẹblanunọ podọ homẹdagbenọ.’ (Wefọ 6) Sọgbẹ hẹ nuhe wesetọ de dọ, hogbe Heblu tòn he yin lilẹdo ‘lẹblanunọ’ do “awuvẹmẹ sisosiso [Jiwheyewhe tòn hia], taidi dehe otọ de nọ dohia ovi etọn lẹ.” Hogbe he yin lilẹdo ‘homẹdagbenọ’ tindo kansịşẹ hẹ hogbe de he “nọ dlenalọdo mẹhe yin whinwhàn sọn ahun mẹ nado goalọna mẹhe tin to nuhudo mẹ de.” E họnwun dọ Jehovah jlo dọ mí ni yọnen dọ ewọ nọ penukundo sinsèn-basitọ etọn lẹ go kẹdẹdile mejitọ lẹ nọ penukundo ovi yetọn lẹ

go do—po owanyi sisosiso po gona me-ton-hopon ahundopo ton.—Psalm 103:8, 13.

Enegodo, Jehovah do do emi no ‘wleawu nado sadi.’ (Wefo 6) E ma no yawu gbleho-me do devizonwatō eton he tin to aigba ji le go. Kakatimo, e no sinyenlin he ye bo no doakonna awugbopo yeton le bosō no jo whenu do na ye nado lenvojō sōn ylando yeton le me.—2 Pita 3:9.

Jiwheyewhe zindonukon do emi yin ‘susuno to dagbewanyi po nugbo po me.’ (Wefo 6) Dagbewanyi kavi owanyi nugbo yin jehenu hoakuē he Jehovah no yizan nado wleawu-na kansisa dolido tegbe ton de he omē eton le. (Deutelonomi 7:9) Jehovah sō yin asisa nugbo ton. E ma sogan klomē mojanwe mede ma sogan klo ē do niyen. Taidi “Jiwheyewhe nugbo ton,” mí sogan yí nuhe e do lepo sè gona opagbe he e do gando sogo-do go le.—Psalm 31:5.

w09 1/7 10 huk. 6 **Jehovah Do Ede Hia**

Nugbo titengbe devo he Jehovah jlo do mí ni yonen gando ede go wē yindō e no jona “ylankan po ylanwiwa po po ylando po.” (Wefo 7) E “wleawu nado jona” ylandono he lenvojō le. (Psalm 86:5) To ojle dopolo me, Jehovah ma no miyonnukundo ylanwiwa gbede. E basi zēmē do emi “ma na dike whēgbledono to alo depope me ni yí ma jiya.” (Wefo 7) Jiwheyewhe he yin wiwe podō dodono ma na dike mēhe waylando sōn ojlo me wá le ni dù dōn. E yá wēo kavi e dēn wēo, ye na gbēn nuhe ye do janwē.

Onú Sisosiso Gbigbomē Ton Le

w04 15/3 27 huk. 5
Nuagokun le sōn Owe Eksodusi Ton Me

33:11, 20—Aliho tē me wē Jiwheyewhe dōho na Mose “wedede” te? Hogbe ehe zēmēdo

hododopo pēkipeki to omē awe sēnsēn. Mose dōho hē nukunmōnu Jiwheyewhe ton bosō mō anademē Jehovah ton yí sōn onū afō-zedaitō eton ton me. Šigba Mose ma mō Jehovah, na ‘gbetō ma sogan mō Jiwheyewhe bo nogbē gba.’ Na taun ton, Jehovah losu ma dōho na Mose tlōlō gba. Galatianu le 3:19 do do Osēn lō yin nina “gbon angeli le dali gbon alo whēgboto de ton me.”

w98 1/9 20 huk. 5 **Hēn Ēn Diun Nado Ze Onú Tintan le Do Otēn Tintan Me**

Whlaaton to owhe dopo me Israelivi sunnu lepo po mēdiōzun Juvi le po he tin to aigba lō ji yin gbedena nado sōawuhia to Jehovah nukon. To yinyonen me do whēndo lō blebu sogan mōale gbigbomē ton yí sōn nujijō monkoton le me, tatō whēndo ton susu basi tito na asi po ovi yeton le po nado hodo ye. Šigba mēnu wē na basi hihō-na owhe yeton le po ogle yeton le po sōn mēgbeyinyan kēntō le ton si to whenuena whēndo lō ko tōn yí godo? Jehovah dopagbe dōmō: “Omē depope ma na jlo aigba towe gba, whenuena hiē hēji jei nado sōawuhia to OKLUNO Jiwheyewhe towe lō nukon whlaaton to owhe lō me.” (Eksodusi 34:24) E biyise to Israelivi le si nado yise do eyin ye ze dagbenu gbigbomē ton le do otēn tintan me, ye ma na hēn nudepope bú to agbasa liho gba. Be Jehovah yin nugbono hlan ohó eton ya? E wāmō na jide ton!

19-25 OCTOBRE

NUHOAKUĒ LĒ SŌN OHÓ JIWHEYEWHE TŌN MĒ | EKSODUSI 35-36

“Jehovah Gán Hēn We Pegan”

w14 15/12 4 huk. 4
Jehovah Nō Kōn Dona Susugege Do Ojlo Dagbeno le Ji

E ma yin nunina he mēhe nọ nọgodona sin-sen-bibasi wiwe ʒeke Jehovah tọn lẹ nọ basi wẹ nọ hẹn homẹhun etọn hùn gba, kakati-mọ ojlo dagbe yetọn wẹ nọ hẹn homẹ etọn hùn hugan. Yé sọ nọ yin whinwhàn nado yí gànme po huhlọn yetọn po zan. Kandai lọ dọmọ: “Yõnnu he yin ayiha nuyõnenno lẹpo yí alọ yetọn do gbẹn sekan.” Podọ, “yõnnusi lẹpo ayiha mēhe tọn fõn yé daga to nuyõnen mē lẹ gbẹn ofún gbogboe lẹ tọn.” Humọ, Jehovah na Bezaleli ‘nuyõnen, nukunnumojenume, po oyõnen po nado wà anazõn hunkohunko lẹ.’ Na nugbo tọn, Jiwheyewhe na Bezaleli po Oholiabi po huhlọn he yé tindo nuhudo etọn nado hẹn azõn he yin didena yé lẹpo di.—Eks. 35:25, 26, 30-35.

w11 15/12 19 huk. 6

Nugbonọ Hohowheni Tọn lẹ Yin Anadena Gbọn Gbigbo Jiwheyewhe Tọn Dali

⁶ Numimọ Bezaleli he nọgbẹ to ojẹ Mose tọn mē tọn do nususu hia gando lehe gbigbo Jiwheyewhe tọn sọgan yinuwadomeji do go. (**Hia Eksodusi 35:30-35.**) Bezaleli yin dide nado yin nukontọ na mēhe na basi asọdonu gòhọtuntun lọ tọn lẹ. Be e ko plọn anazõnwiwa jẹnukonna azõn vonọtaun ehe wẹ ya? Vlavo e sọgan yinmọ, ʒigba azõn he e na ko wà gbọn godo wẹ bliki mimẹ na Egiptinu lẹ. (Eks. 1:13, 14) Enẹwutu, nawẹ Bezaleli na hẹn azongban sinsinyen etọn enẹ di gbọn? Jehovah “yí gbigbo [etọn] lọ do gọ ẹ, to nuyõnen mē, to wuntuntun mē, podọ to oyõnen mē, podọ to hunkohunko anazõn lẹpo tọn mē; podọ nado ʒe azõn wunmewunmẹ lẹ dai . . . nado wazõn to anazõn hunkohunko lẹpo tọn mē.” Gbigbo wiwe hẹn nugopipe jowamọ tọn depope he Bezaleli sọgan ko tindo pònte dogo. Nudopolọ wẹ e wà na Oholiabi. Bezaleli po Oholiabi po dona ko yõn azõn taun, na gbõnvona dọ yé

hẹn azongban yetõn lẹ di, yé sọ plonazõn mēdevo lẹ. Mowẹ, Jiwheyewhe yí do ahun yetõn mē nado plõnmẹ.

w11 15/12 19 huk. 7

Nugbonọ Hohowheni Tọn lẹ Yin Anadena Gbọn Gbigbo Jiwheyewhe Tọn Dali

⁷ Nudevo he dohia dọ Bezaleli po Oholiabi po yin anadena gbọn gbigbo Jiwheyewhe tọn dali wẹ yindọ azõn he yé wà lọ nọ aimẹ den. Nuhe yé basi lẹ gbẹ nọ yin yiyizan to owhe 500 godo. (2 Otan. 1:2-6) Bezaleli po Oholiabi po ma tindo ojlo nado do ohia yetõn azõn yetõn lẹ go dile alonuzõnwato egbezangbe tọn lẹ nọ wà do gba. Jehovah wẹ mọ pipà nuhe yé wadotana lẹpo tọn yí. —Eks. 36:1, 2.

Onú Sisosiso Gbigbomẹ Tọn Lẹ

w05 15/5 23 huk. 14

Plọn Nado Yõn Aliho Jehovah Tọn Lẹ

¹⁴ *Nọ ze gbigbonu lẹ do otẹn tintan mē.* Akọta Islaili tọn ma dona dike nukunpipedo nuhudo agbasamẹ tọn lẹ go ni fẹayihase na yé sọn nuwiwa gbigbomẹ tọn lẹ ji. Islaili-vi lẹ ma dona pò na yanwle aihon tọn lẹ kẹdẹ gba. Jehovah de ojẹ delẹ dovo to osẹ dopodopo mē, ehe e ylọdọ ojẹ wiwe he nọ yin yiyizan na nuwiwa he gando sin-sen-bibasi Jiwheyewhe nugbo lọ tọn go lẹ kẹdẹ. (Eksodusi 35:1-3; Osọha lẹ 15:32-36) To owhe dopodopo mē, ojẹ devo lẹ dona yin dide dovo na opli wiwe taun taun lẹ. (Levitiku 23:4-44) Opli ehele na hùn dotenmẹ dote nado dọhodo nuyiwa huhlõnnọ Jehovah tọn lẹ ji, nado yin nuflin gando aliho etõn lẹ go, podọ nado dopena en na dagbewà etõn lẹpo. Dile gbẹtọ lọ lẹ dohia dọ yé ze yede jo hlan Jehovah, yé na whẹn to obu po owanyi Jiwheyewhe tọn po mē bo na yin alõgona nado nọ zinzõnlin to aliho etõn lẹ ji. (Deutonomi 10:12, 13) Nunõwhinnusen dagbe

he anademe enele behen le no hen ale wa na devizonwato Jehovah ton le to egbehe. —Heblu le 10:24, 25.

w00 1/11 29 huk. 1

Adokun Alotutlu Ton le No Hen Ayaje Wa

To whenenu, lennupondo nuhe na yin numotolanme Israelivi le ton ji. Whendo le ko jiya gbọn kanlinmogbenu vẹadi po hẹnjije po gblame. Todin ye yin tuntundote bosọ tin-do nutindo hoakuẹ agbasanu ton le. Etewe na yin numotolanme yeton gando dele to nutindo enele nina go? Ye sogan ko lendo ye ko mo ye yi bosọ tindo jloje nado whla ye. Sigba, to whenuena ye basi oyo na ye nado na nunina to akuẹzinzan-liho nado nogodona sinsen-bibasi wiwe seke, ye wamọ—podọ e mayin po awuwhiwhle kavi tenkuku po gba! Ye ma wonji do Jehovah we ko hen en yonbasi na ye nado tindo nutindo agbasa ton enele gba. Enewutu, ye na fataka po sika po gona kanlin-yinyin yeton le susugege. Ye yin “ojlonọ ayiha ton.” ‘Ahun yeton le whan ye.’ ‘Gbigbo yeton fon ye dote.’ Na nugbo ton ‘avonunina son ojo me wa hlan Jehovah’ we e yin.—Eksodusi 25:1-9; 35:4-9, 20-29; 36:3-7.

26 OCTOBRE–1^{er} NOVEMBRE

NUHOAKUE LE SON OHÓ JIWHEYEWHE TON ME | EKSODUSI 37-38

“Agbà Gohotuntun lo Ton le po Sinsen-Bibasi Nugbo Po”

it-1-F 230 huk. 1

Agbà

Agbà nuyonwan ton. Agbà nuyonwan ton lo (he so no yin iyilodo “agbà he ye yi sika do basi” [Eks 39:38]) losu yin awuwlena po o-whle akasia ton po, podọ ye và sika na en do aga po adà me po. Ye yi asodonu sika ton do doasona tonu eton ledo pe. Tedidi

agbà lo ton po gbigblo eton po yin santi-metlu 44,5 bo jiyiyi eton yin santimetlu 89, podọ e tindo “azò” to agosu ene le me. Alọke sika ton awe-awe tin to e go bo opo akasia ton he ye và sika na le no yin zize gbọn e me; alọke ehele yin bibasi do odò na asodonu sika ton lo to adà eton awe ji. (Eks 30:1-5; 37:25-28) Nuyonwan vonotaun de no yin mimẹ to agbà lo ji whla awe to gbèdopo, ene we afonnu po whẹjai po. (Eks 30:7-9, 34-38) Kandai devo le so dohia do nuwhẹnwān-gbān kavi miyọn-hẹnnu yin iyizān nado me nuyonwan, podọ e hōnwun do agbà nuyonwan ton lo kōn we e no yin mimẹ te. (Le 16:12, 13; Heb 9:4; Osọ 8:5; yijlẹdo 2Ot 26:16, 19 go.) Agbà nuyonwan ton lo tin to gòhótúntún lo me bo to nukon na homẹ-gbòvọ Fiwiwe Gbaugbau lo ton, abajo e do yin didọ do e tin to “apotin Kunnudenu ton lo nukon.”—Eks 30:1, 6; 40:5, 26, 27.

it-1-F 756 huk. 7

Nuyonwan

Nuyonwan wiwe he yin alọkeyi to gòhótúntún me to whenue Israelivi le to danfafa ji no yin awuwlena po nuyizan hoakuẹ he akota lo na le po. (Eks 25:1, 2, 6; 35:4, 5, 8, 27-29) Jehovah na anademe Mose gando lehe nuyizan voo-vo ene dele na yin şışakadopọ do go domọ: “Yi sọha dopolọ onú owán gblingblinnọ ehele ton: atin-sin owán gblingblinnọ, onika, galbanọ-mi owán gblingblinnọ po nuyonwan gblingblin akú de po. Hiẹ nasọ yi i do basi nuyonwan de; nuwhẹnkun lo le dona yin hihò dopọ po azon-yinyonẹn po, podọ oje dona pe e me bo e na yin akú bosọ yin wiwe. Hiẹ na li dele to ye me zun linfin dagbedagbe bo na yi son e me do Kunnudenu lo nukon to gòhọ opli ton lo me, fie yen na no sọawuhia we te. E dona yin onú wiwe gbaugbau de na mi.” Enegodo, nado dohia do nuyonwan lo yin onú wiwe bo dona yin iyizān na lendai dopo gee, Jehovah yidogọ do: “Me-

depope he basi nudepope taidi ehe nkọ nado duvivi owán etọn tọn dona yin sinsánsẹ sọn omẹ etọn lẹ sẹnsẹn.”—Eks 30:34-38; 37:29.

it-1-F 229 huk. 6

Agbà

Agbà Gòhọtúntún lọ Tọn Lẹ. To whenue gòhọtúntún lọ yin pinpẹn, agbà awe yin awuwlẹna sọgbe he anademe Jiwheyewhe tọn. Agbà avónunina mimẹ tọn lọ (he sọ nọ yin yiylọdọ “agbà he yẹ yí gànveẹ do basi” [Eks 39:39]) yin awuwlẹna po owhlẹ akasia tọn po bo taidi apotin owhlẹ tọn de he nude ma sú odò po aga po na. Tedidi po gbìgblo etọn po yin mẹtlu 2,2 bo jiyiyi etọn yin mẹtlu 1,3 bo tindo “azò” to agosu enẹ lẹ mẹ. Yẹ và gànveẹ na agbà lọ lẹdo pé. Agbájẹ gànveẹ tọn de yin zizedo agbà lọ homẹ sẹpọ tónu etọn “jẹ nudi odaa agbà lọ tọn.” Alọkẹ dopo yin zizedo adà enẹ lẹ dopodopo mẹ sẹpọ agbájẹ lọ, podọ e taidi dọ alọkẹ enẹlẹ mẹ wẹ opò akasia tọn awe he yẹ và sika na lọ lẹ nọ yin zize gbọn nado ze agbà lọ. E gán yindọ núvo de yin dide do adà awe agbà lọ tọn go, na agbájẹ flala de nido sọgan gbọn núvo lọ lẹ nù biọ e mẹ, bo alọkẹ lọ lẹ nọ to adà etọn dopodopo ji. Linlẹn voovo wẹ weyọnẹntọ lẹ tindo gando whẹho ehe go, susu to yé mẹ nọ lẹndọ ogbẹ awe ji wẹ alọkẹ lọ lẹ te, bo dehe mẹ opò lẹ nọ gbọn nado ze agbà lọ lẹ nọ to agbà lọ go to gbonu tlọlọ. Gànveẹ wẹ yẹ yí do basi panu po fẹli lẹ po nado bẹ afín, agbán lẹ nado yí ohùn kanlin lẹ tọn, podọ sivi-fẹnnọ lẹ nado yí olàn, gona miyọn-hennu lẹ.—Eks 27:1-8; 38:1-7, 30; Sọh 4:14.

Onú Sisosiso Gbìgbomẹ Tọn Lẹ

it-1-F 34 huk. 5

Akasia

Alà akasia-tin tọn lẹ nọ to gblẹlẹ podọ owùn he nọ to yé go lẹ nọ sù bo nọ dite. Alà lọ lẹ

nọ saba ján do alà akasia-tin he sẹpọ lẹ tọn mẹ; enẹ taun wẹ na ko zọn bo hogbe lọ *shit-tim'* he nọ dlenalọdo akasia susu do yin yiyizan hugan to Biblu mẹ. Akasia-tin gán dite sọ mẹtlu 6 yí 8 bo amà etọn lẹ nọ gọ. Ofún nọ to amà flẹflẹ etọn lẹ go bo yé nọ gbàsẹ sinmẹ koklo-jonọ he nọ dewán gblin-gblin, podọ sinsẹn etọn lẹ nọ nọ apà hihá de mẹ he nọ bó to tónu dopo. Akasia-tin nọ sinyẹn taun bo gotò yuu etọn nọ tli bo nọ to kanşankanşan, enẹwutu wánvú ma gán dù i. Gbọnvona ohia ehele, akasia-tin sọ nọ sù to danfafa ji, enẹ wẹ zọn bo e do yin atin dagbe he yin yiyizan nado gbá gòhọtúntún lọ po nuyizan etọn lẹ po. Atin ehe wẹ yin yi-yizan nado basi apotin alẹnu tọn lọ (Eks 25:10; 37:1), tafo akla sọhia tọn lọ (Eks 25:23; 37:10), agbà lọ lẹ (Eks 27:1; 37:25; 38:1), opò he yẹ na nọ yí do ze nuyizan enẹlẹ (Eks 25:13, 28; 27:6; 30:5; 37:4, 15, 28; 38:6), dọtín lẹ na homẹgbòvọ lọ po avọ he nọ yin dido do hontonu lọ po (Eks 26:32, 37; 36:36), owhlẹ ote tọn lẹ (Eks 26:15; 36:20) po dọtín yetọn lẹ po (Eks 26:26; 36:31).

w15 1/4 15 huk. 4

Be Hiẹ Yọnẹn Ya?

To vogbingbọn mẹ na mẹpónnu egbehe tọn lẹ, mẹpónnu ojẹ Biblu mẹ tọn lẹ nọ saba yin bibasi po ogàn he yẹ dídí taun lẹ po, yèdọ gànnyuu, podọ to whedelẹnu po gànveẹ, fataka, sika kavi onú mọnkọtọn devo lẹ po. Whla tintan he mẹpónnu yin nùdego to Biblu mẹ wẹ whenue yẹ jlo na gbá gòhọtúntún lọ, yèdọ nọtẹn sinsẹn-bibasi tọn tintan to Israeli. Yonnu lẹ basi nunina mẹpónnu lẹ tọn ehe yẹ yí do wleawu basia wiwe gànveẹ tọn po nuhe ji e nọ yin zizedo po tọn. (Eksodu-si 38:8) Şigba, nado jẹ yanwle enẹ kọn, yẹ na ko yí miyọn do yọ mẹpónnu ehele.

